

# Sur1Mee lebih berkhasiat

Oleh Mohd Faisal Md Noor  
bhvarsiti@bharian.com.my

**Z**AMAN belajar biasanya memberikan pilihan yang agak terhad kepada pelajar untuk menikmati menu makan tengah hari atau malam yang bersifat mewah.

Adakalanya, terpaksa mengikat perut apabila sumber kewangan yang dimiliki semakin susut. Sering kali juga mi segera menjadi teman menggalas perut demi meneruskan kelangsungan hidup.

Jenama yang sedia ditawarkan di pasaran seolah-olah sudah sinonim dengan pelajar institusi pengajian tinggi (IPT), walaupun pilihannya banyak, rasa dan khasiat kandungan mi segera itu seperti sama saja.

Menyedari isu berkenaan yang sering melanda kebanyakan pelajar IPT dan kadangkala turut dialami oleh mereka yang sudah memiliki kerjaya, sekumpulan pelajar daripada Universiti Putra Malaysia (UPM) mengambil inisiatif menghasilkan hidangan mi segera yang bukan saja menjimatkan, bahkan mempunyai khasiat sesuai untuk pengguna.



**KETUA** pasukan Sur1Mee, Tan Tai Boon serta pasukannya menunjukkan produk baru makanan dalam majlis sambutan hari makanan sedunia yang diadakan di UPM, Serdang baru-baru ini.

larkan diri mereka Fisherme Sdn Bhd dan diketuai Tan Tai Boon itu dianggotai pelajar tahun akhir Ijazah Sarjana Muda Sains Makanan dan Teknologi, memperkenalkan mi segera berjenama Sur1Mee.


Pembungkusan menarik produk hasil penyelidikan dan pembangunan (R&D) dijalankan kira-kira 16 minggu itu juga dijangka mampu memberikan cabaran kepada produk yang sudah lama berada di pasaran.

Tan berkata, Sur1Mee yang dijual dalam cawan khas diperbuat daripada surimi 'Itoyori' gred A bukan saja kaya dengan protein dan karbohidrat, tapi turut mengandungi campuran Omega 3 yang diakui baik

untuk kesihatan jantung dan mental.

"Mi segera biasanya didatangkan dengan perisa kari atau ayam, tapi Sur1Mee ini berbeza kerana kami menumpukan perasa sup ikan asli yang kaya dengan protein. Kandungannya juga diperkaya dengan isi ikan yang lebih banyak bagi memberikan kepuasan kepada penggemar hidangan segera ini.

"Semua kandungan yang terdapat dalam Sur1Mee ini bukan saja asli, bahkan kami tidak menggunakan bahan tambahan yang boleh memudaratkan kesihatan," katanya.



Beliau berkata, kajian dijalankan mendapati kandungan tinggi protein dan karbohidrat yang terdapat dalam Sur1Mee mampu memberikan tenaga, manakala kandungan Omega 3 pula berperanan mengurangkan tahap kolesterol dan mengurangkan risiko tekanan darah tinggi.

Katanya, produk inovasi itu sedia dipasarkan pada harga paling berpatutan dan amat sesuai bukan saja bagi pelajar IPT yang sentiasa mengejar masa, bahkan untuk penggemar mi segera yang sudah berkerjaya.

## INFO

### SUR1MEE

Hasil inovasi: Pelajar Tahun Akhir Ijazah Sarjana Muda Sains Makanan dan Teknologi, UPM

Mengandungi: Protein, Omega 3 dan karbohidrat  
Kelebihan: Membekalkan tenaga untuk aktiviti harian dan mampu mengurangkan tahap kolesterol serta risiko tekanan darah tinggi